

《無量壽經優婆提舍願生偈》 補充講表

◎附表六：

○正覺阿彌陀，法王善住持。（以下糅合《往生論註》）

◆此二句，名莊嚴主功德成就。佛本何故興此願？見有國土，羅剎為君，則率土相噉。寶輪駐殿，則四域無虞。譬之風靡，豈無本耶！是故興願，願我國土，常有法王，法王善力之所住持。

◆住持：如黃鵠持子安，千齡更起。魚母念持子，經樂（音學，指夏有水，冬無水之處。）不壞。安樂國為正覺善住持，其國豈有非正覺事耶？是故言：正覺阿彌陀，法王善住持。

※《往生論註》云：「佛力住持，即入大乘正定之聚；正定，即是阿毘跋致。」

※《南齊書·州郡志》指出有個叫子安的仙人，曾騎黃鵠（即鶴，古“鵠”、“鶴”二字通）經過黃鵠磯。（鵠，音湖。形狀像鵝，體較鵝大，鳴聲宏亮，善飛。亦稱“天鵝”。）

※《大智度論》卷七十九云：「菩薩不為諸佛所念者，則善根朽壞；如魚子不為母念，則爛壞不生。」

※《佛說無量壽經》卷下云：「佛告阿難：其有眾生，生彼國者，皆悉住於正定之聚。所以者何？彼佛國中，無諸邪聚，及不定聚。」

※《佛說無量壽經》云：

設我得佛，國中天人，若起想念貪計身者，不取正覺。（第十願、不貪計身）

設我得佛，國中天人，不住定聚，必至滅度者，不取正覺。」（第十一願、住定證滅）

○如來淨華眾，正覺華化生。（以下糅合蓮池大師《佛說阿彌陀經疏鈔》卷二）

◆蓮華者，往生彼國托質之所。念佛之人，特宜知此。

托質者，未證無生，生必有托。六趣眾生，則中陰之身，自求父母。往生善士，則一彈指頃，蓮華化生。是蓮華者：乃卸凡殼之玄宮，安慧命之神宅。

◆修淨土者：若禮佛時，當想己身在蓮華中作禮，佛在蓮華中受我禮敬。若念佛時，當想

己身在蓮華中，結跏趺坐，佛在蓮華中，接引於我，然後一心持名。

◆昔有二僧，作蓮華開合想，遂得往生，況復加之一心持名而不生者。

※《佛說無量壽經》云：

設我得佛，國中天人，不悉真金色者，不取正覺。（第三願、身真金色）

設我得佛，國中天人，形色不同，有好醜者，不取正覺。（第四願、形色相同）

設我得佛，國中天人，不悉成滿三十二大人相者，不取正覺。（第二十一願、三十二相）

設我得佛，國中菩薩，不得金剛那羅延身者，不取正覺。（第二十六願、那羅延身）

「阿難！彼佛國土，諸往生者，具足如是清淨色身，諸妙音聲，神通功德。」

○愛樂佛法味，禪三昧為食。（以下糅合《往生論註》）

◆愛樂佛法味者：如日月燈明佛說法華經，六十小劫。時會聽者，亦坐一處，六十小劫，

謂如食頃。無有一人，若身若心而生懈倦。以禪定為食者：謂諸大菩薩常在三昧，無他食也。三昧者，彼諸人天若須食時，百味嘉饈，羅列在前。眼見色，鼻聞香，身受適悅，自然飽足，訖已化去。若須復現，其事在經。是故言：愛樂佛法味，禪三昧為食。

※《法華經》云：「其國眾生，常以二食，一者法喜食，二者禪悅食。」

※《法華會義》卷九云：「聞法歡喜以資慧命，名法喜食。入禪適悅以持法身，名禪悅食。」

◆法味：妙法之滋味也。咀嚼妙法而心生快樂，故謂之法味。（糅合《佛學大辭典》）

◆禪悅食：禪定資神（滋養法身慧命），輕安適悅，即為食義。（《華嚴疏鈔》卷三十七）

※《華嚴經賢首品》云：「若得堅固大悲心，則能愛樂甚深法。若能愛樂甚深法，則能捨

離有為過。」

※《華嚴疏鈔》卷二十四云：「初半頌是初地，謂深法，是所證真如；愛樂，是極喜異名。」

○永離身心惱，受樂常無間。（以下糅合《往生論註》）

◆身惱者：飢渴寒熱殺害等也。心惱者：是非得失三毒等也。

※《佛說無量壽經》云：

設我得佛，國有地獄、餓鬼、畜生者，不取正覺。（第一願、國無惡道）

設我得佛，國中天人壽終之後，復更三惡道者，不取正覺。（第二願、不更惡道）

設我得佛，國中天人，所受快樂，不如漏盡比丘者，不取正覺。（第三十九願、樂如漏盡）

◆又彼菩薩，乃至成佛，不受惡趣，神通自在，常識宿命。除生他方五濁惡世，示現同彼，如我國也。（《佛說無量壽經》卷下）

○大乘善根界，等無譏嫌名，女人及根缺，二乘種不生。

◆大乘定義：大者：絕待無外，強名曰大。即是直指眾生現前介爾心性，法爾具足體大、相大、用大三種義故。乘者：約喻為名，運載為義。即是直指眾生現前介爾心性，法爾運載至於佛地。自利利他，無休息故，名為乘也。（糅合《大乘起信論裂網疏》卷一）

◆譏嫌：譏議嫌惡。《後漢書·馬嚴傳》：「明德皇后既立，嚴乃閉門自守，猶復慮致譏嫌，

遂更徙北地，斷絕賓客。」

◆問曰：尋法藏菩薩本願，及龍樹菩薩所讚，皆似以彼國聲聞眾多為奇。此有何義？

答曰：聲聞以實際為證，計不應更能生佛道根芽。而佛以本願不可思議神力，攝令生彼，必當復以神力，生其無上道心。譬如鳩鳥入水，魚蚌咸死。犀牛觸之，死者皆活。

如此不應生而生，所以可奇。（糅合《往生論註》）

○眾生所願樂，一切能滿足。（莊嚴一切所求滿足功德）

※《華嚴經普賢行願品》云：「十方所有諸眾生，願離憂患常安樂，獲得甚深正法利，

滅除煩惱盡無餘。」

※《佛說無量壽經》云：「佛告阿難：彼國菩薩，皆當究竟一生補處。」